



Tir Yimym

www.tiryimym.in

Regd. No. RNI. NAGAAO/2004/13113. Postal-NE/RN-717.

e-mail : tiryimym@gmail.com

TAPAK 3

Yangia anidakangma :

Tir Yimym

tiryimym@aolima

tir yimym

TAPAK 7

Amongnü Modi-i Ato kilonser tenangzükba agitsü: Pralhad Joshi

PM Netanyahu-i July 24 nü US Congress nung jembitsü



VOL. XXI ISSUE NO. 236 (ADOK 236) DIMAPUR

KÜPTOKNÜ (SATURDAY)

AAMI (JUNE) 08, 2024

₹ 5.00

Dimapur nung New Market G.B khaset

Dimapur, June 7, 2024 (TYO): Hokolbar aonung mejangjaba nisungtemi Dimapur kübok New Market G.B Abdul Kayum Talukdar khaset.

Iba lendong ya taonung 9:30 ako meta Signal Shaam Bazar nung Axis Bank anasa atalok. Osang angazükba agi nisung kargari ka nung arua Abdul Kayum Talukdar dak injang khaloktsü.

Iba tatalokba sülen pa Faith Hospital Dimapur-i anir ao saka pa taküm tembangadoker liasü ta osang angazüker.

New Market Welfare Committee Ward-19 züngsemtemi taonung sangdong ka nung parnok GB Abdul Kayum Talukdar tepsetba khukhua aitsüba metetdaksüogo aser asür kinungertem dang asükhu lemsatepba den külemi temeten mangu tashi yaritsü nangzükogo.

Iba ama tesempatsü mapa atema aoksaba dang masü saka Nagaland nung shishilembartem lendong nung jenbua maliba tebilemtsü adokogo. Taochi

maliba inyaksangshi ajanga onok shishilembartem temulung rakasar aser tsübur ta parnoki ashi.

Iba ama tesempatsü mapa ya magizüker aser tekaratiba nung temeten agütsütsüla. Ozüng amertemi jungjunga bushisüngdang asütsüla aser memenui aibelenertem pua merenshitsü akhanger ta New Market Welfare Committee Ward-19-isa metetdaksü.

Tarutsü nung shishilembartem ibala inyaksangshi nungi kümzüka ayutsü atema teinyaksü kar inyaksü nüngdaker, ta pamokisa ashi.

Tangatetba shitak alir ajaki iba tesempatsü mapa aitsütsü ayongzükker. Asenok ajak longiemer asen loktiliba lendong nungi jenbua ayutsü inyakdi, ta New Market Ward-19 GB Khekishe Aye, New Market Business Welfare Committee President Mughato Sumi, Secretary Shikiho Aye aser DMC Ward-19 candidate Kili N Sumi nungeri züluba sangdong nung metetdaksü.

Mkg ULB election atema candidate 2 nem INC ticket agütsüogo



Bendanginla Yongkongsangla

Mokokchung, 7th June (TYO): Mokokchung Municipal kübok ULB election-i aitsüpur candidate tetsür ana (2) nem June 7, 2024 nü Ward No. 4, Artang nungi Yongkongsangla R aser Ward No. 9, Majakong nungi Bendanginla O na nem Indian National Congress (INC) ticket agütsüogo.

INC ticket agütsüba aser meshitetba sentong Artang nung 25 Mongoya ACCC Bhawan kidang aser Majakong nung INC Candidate Bendanginlar kidang agia liasü. Artang ward yabo tetsür reservation küboki aiter saka Majakong ward nungbo reservation mali.

Sentong nung District Congress Committee (DCC), Mokokchung President, Watimongba Aier-i jembidang, Yongkongsangla R aser Bendanginla nati Congress nükjidong angateter Congress ticket meshiba asoshi pelaba den takok tajung angutsü moaja metetdaksü.

"Tang India nung BJP-i aniba NDA sarkar akümtsüba lir, saka parnok tejak mesangwateti lir,

anungji, NDA sarkarji kopika aotsü ashitsü makok, Tsüngremi dang metet. Saka iba sarkar ji talangkabo moutettsü amai bilemer. Ashiko India Block coalition-i ang sarkar akümtsübaji menua maliako.", ta paisa ashi.

Nagaland nung ULB ajak agi 39 lir, item rongnung town council jenjang nung 36 aser municipal 3 lir. Town council o municipal tetsüngtaji tulu itta lir. Town council bo Kohima nung dang tembangtsü saka Municipal jibo jenjang tulu, anungji, Delhi leni oa mapatong tululu inyaktettsü lenmang aika lir. Tia junga taküm Lok Sabha election nung S. Supongmeren Jamir MP adoka lir, anungji, pa ajanga temoatsü jenti ngutettsü imlar, ta ashi.

Ashiko India Block-i sarkar kümra, S. Supongmeren Jamirji minister menden atatsü aser aji India Congress lenirtemi nangzükogo aser sorkar akümtsübaji teimla mesamai lir. Election mapang sen meshiba yimya to Congress party-ibo noktangtsü, sen agi vote malitsü, clean election nung ajemdaker aotsü, ochi nung terenlok mapatem inyaksü aser kin lemsatsüsa kecha meinyaksü. Anungji, tanba ULB election nung ya nüburtemi Congress candidate shimdaksünür, ta DCC tirisa tayongzükba ka agütsü.

Sentong nung taoba MLA &

PCC züngsem, Toshiokba Lkri mapang tatsüka agidang, Artang o Majakong ward ya 25 Mongoya A/C küboki aiter aser Lok Sabha MP S. Supongmeren Jamir ya iba constituency nungi lir. Anungji, ULB election nung iba A/C nungi Congress ticket amer adokertem atema tajangzük aika alitsü, anungji, nüburtemi Congress candidate yaridaksünür, ta pai mepishia metetdaksü. Paisa Congress party tangatetba kar lemsatepdang, loktiliba ochi (social justice), lirumedem (equality), nisung ajak sakuku tashi lemsaba, lenla abensa-a inyakba aser terelok item nungji ajemdaker maparen ajak inyaka aotsü asoshi paisa ayongzük.

Yongkongsangla R aser Bendanginla O nati Congress ticket agütsüba asoshi pelaba den tenapronglai ULB election nung noktakba nükjidong aser tejangrabatem lemsatep. Sentong nung Congress Party telen tabensa nungi meyongertem, Artang yimden, Majakong yimden, Süngratsü Senso Senden, Chungtia Senso Telongiem Mokokchung, Sumi Community Majakong nungi meyongertemi shilem agia liasü.

Tanep 25 Mongoya ACCC president, Alemkaba-i Majakong Ward nung Congress candidate Bendanginlar kima Congress wako (flag) atsüketa yutsü. 8th June nü ano candidate kar nem INC ticket agütsütsü sentong lir, ta osang ajanga angazüker.

ULBs election atema candidate 17-i tenüng agütsüogo

Dimapur, June 7, 2024 (TYO): ULB election atema nomination asüba anogo nung district pungu nungi candidate 17-i tenüng agütsüogo. Parnok rongnung tetsür candidate 6 dena lir.

June 7, 2024 nikongdang 3:00 ako tashi nung candidate 17-i nomination papers agütsüogo ta Secretary, State Election Commission-i ashi.

Town council aser candidate tenüngtem:

1. East Dimapur TC: 2 (Tebur) INDEPENDENT and 1 (Tetsür) LJP
2. Tuli TC: 1 (Tebur) INDEPENDENT
3. Jalukie TC: 1 (Tebur) INDEPENDENT
4. Bhandari TC: 8 (5 Tebur & 3 Tetsür) NPF aser 1 (Tebur) INDEPENDENT
5. Satakha TC: 2 (1 Tebur & 1 Tetsür) INDEPENDENT
6. Aghunato TC: 1 (Tetsür) INDEPENDENT

Congress-i ULBs election atema ticket alemer

Dimapur, June 7, 2024 (TYO): Congress party-i Hokolbarnü Urban Local Bodies election atema candidate nem ticket agütsüogo.

Congress Bhavan, Dimapur nung sentong ka ayonga agidang Congress-i tetsür asem dena candidate 8 nem party ticket agütsüogo.

Taruba anogotem party ticket aginüba candidates nem agütsütsü ta Congress lennir kati ashi.

June 26, 2024 nü Nagaland nung tetsür nem shilem mekazüka yutsür municipal elections mezüngbuba agitsü aser June 29 nü results sangdongtsü.

Nagaland nung municipal council 3- Dimapur, Kohima, Mokokchung aser town councils 36 tashi lir. Kohima nung ward 19 nungi 6, Dimapur nung ward 23 nungi 8 aser Mokokchung nung ward 18 nungi 6 tashi tetsürtem nem lemzüksüogo.

Nagaland Governor-i ENPO dang ULBs election nung shilem agitsü ayongzükker

Dimapur, June 7, 2024 (TYO): Governor La Ganesan-i Eastern Nagaland People's Organization (ENPO) aser Eastern Nagaland nung alirtem dang Urban Local Body (ULB) elections nung shilem agitsü ayongzükogo.

"Election ka nung voting ya temeten ka dang masü saka sorkar ketdangsübaren nung nübortem asoshi teshimtet nübo shimtsü maongka ka lir" ta

Governor Ganesan-i ashi. Centre sorkari Frontier Nagaland Territory tentettsü atema kanga nendaka inyakdar ta Ganesan-isa ENPO aser Eastern Nagaland nung dang ashi.

"ENPO aser Eastern Nagaland nung dang taruba ULB election nung shilem agitsü aser iba ajanga asen state nung democratic inyakyim akangshitsü mepishir" ta Governor Ganesan-isa ashi.

Delhi Ao kaketshirtemi MP Supongmeren pelaa agizük



Dimapur, June 7, 2024 (TYO): June 7, 2024 Delhi Ao Kaketshir Telongjem (DAKT) teshimtet telok kati S Supongmeren Jamir pelashishia agizükogo.

DAKT-i Delhi Airport nung Lok Sabha MP Supongmeren pelaa agizükba sentong tatsüka ayongzükba agi.

Sentong nung DAKT Tir Yimjungshishi Sanglir-i S Supongmeren Jamir nem

tenünsang agütsüba den pa wadang moatsü.

MP Supongmeren lenisüba kübok tarutsü anogotem tajung ajurutsü imlar ta Yimjungshishi ashi.

DAKT Tirisa Delhi nung Naga nung taginüba kar lemsatep aser idangji pai Naga nung longiemer jenjang temabai atutsü aser külemi yaritepa inyaksangshia aotsü indang

nenshia jembi.

Tsüngremi MP Supongmeren nem anema aliba taküm aser shisatsü agüjang ta DAKT Tirisa shisem.

S Supongmeren Jamir-isa DAKT dang pa pelashishia agizükba atema pelaba metetdaksü.

Paisa DAKT nungita yaritsü aser lokti tenzüksü nangzükba ama inyaka aotsü metetdaksü.

Kohima nung ULB elections atema senden amen



Kohima District nung aruya aliba ULB Elections atema shima aliba ketdangsürtem atema training aser shisadokden senden ka DC Office, Kohima nung June 7, 2024 nü agi.

Dimapur, Aami/June 07 (TYO): Kohima District nung Urban Local Body (ULB) Elections agitsü aliba dak sendakba nung training aser shisadokden senden ka shimteta aliba ketdangsürtem atema June 7, 2024 nü agia liasü.

Iba sentong ya Deputy Commissioner, Kohima indang Conference Hall nung agi, kong election inyakim nung shilem aliba ketdangsürem lungjema liasü.

Iba senden nung Kohima Municipal Council indang Assistant Returning Officers (AROs), Chiephobozou Town Council indang Returning Officers aser ARO den Nodal Officers, District Level Master Trainers aser Sector Officers den reserve nung alirtema dena liasü.

Iba senden ya Kohima Municipal Council indang RO, Lanusenla Longkumer lenisüba kübok agi, kong Deputy

Commissioner, Kohima, Kumar Ramnikant, IAS ajanga ULB elections indang tongmelang agi rateta ashi.

Iba training nung tongtipang mapatem CEO office nungi Toshimeren Aier, Deputy CEO ajanga lemsatepa liasü.

Election tajungtiba nung ochishia agitsü asoshi nungdaka aliba shisatsü aser yimya meteta alitsü dak rangloker training ya agüja liasü.

State Council on AIDS indang senden mezüngbuba amen

Dimapur, Aami/June 07 (TYO): Minister, Health and Family Welfare, Nagaland, P. Paiwang Konyak lenisüba kübok State Council on AIDS (SCA) indang senden mezüngbuba Kohima nung June 6, 2024 nü mena liasü.

Iba senden nung Department of Health & Family Welfare, Food and Civil Supplies, Higher and Technical Education, Rural Development, Transport, Labour and Employment, Social Welfare, Law and Justice, School Education and SCERT nungi teshimtet nisungtem dena liasü.

State nung HIV & AIDS Programme nung policy direction agütsütsü, department ajunga nung HIV & AIDS ya public health tebilemtsü ka dang masü saka terenlokba tsütsü tayongzüka ka ama agizükdaktsütsü aser state nung civil society organization, industry aser donors den külemi HIV & AIDS atema multi-sectoral response alitsü nükjidong nung iba senden ya mena liasü.

State Council on AIDS ya mezüng June 11, 2008 nung Nagaland Chief Minister mendenpuba sür kumteta liasü. Iba sülen April 29, 2009 aser October 12, 2012 nung senden

anaben mena liasü.

Iba sülen State Council on AIDS ya June 22, 2023 nung tanaben tentetshia Minister, Health & Family Welfare mendenpuba liasü aser tang mezüngbuba senden mena liasü.

Iba senden nung Chairman ajanga state nung temesepba mozü amshiba azüoktsü nungdakba indang rasaa ashi aser tajungba nung amalitepa aser yariteptsü atema SCA nung Home Department inoksemtsü onük benoka liasü.

Mapang shidak nung temang anepalua kinü tanurtem HIV nungi kumzüka ayutsü atema mashisa tetsütem tekeraba nung HIV tendangtsü kanga tongtipang lir, ta Minister Paiwang-i ashi.

Pai social media sapang aser 'influencers' tem amshia HIV awareness osang sangdongtsü ajungshia liasü.

State nung HIV/AIDS atema tematiba jenjang nung political aser administrative teyari agütsütsü atema mapang shia SCA senden amentsü, ta paisa ashi.

Dr. Ahu Sekhose, Project Director, NSACS ajanga state nung tang HIV nungi nungi kumzüka alitsü aser azüoktsü atema maparen balala inyakba

indang rasaa ashi.

National AIDS Control Program, Ministry of Health and Family Welfare kübok maparen balala inyakba indang jembidang, Ministry level nung departments 18 den MoUs zülutepa lir, ta pai ashi.

Nagaland nung NSACS ajanga department 12 den MoUs zülutepa state nung nungdakba peritsütsü atema külemi teka amteper inyaker, ta Dr. Ahu-i ashi.

Dr. Bernice, D. Thapru, Joint Director (Prevention), NSACS ajanga state nung HIV aser AIDS program indang tongmelang agi lemsatepa liasü.

Iba senden nung Nagaland nung HIV agi meneper alirtem kumzüka ayutsü aser ajangzüksü atema sentong balala tenzüksü nungdaker ta jembia liasü.

Sentong tembanga Joint Secretary, H&FW, Renabomo Odyuo-i jembi aser iba sülen Minister Paiwang Konyak-i 'Health on Bikes, reaching the unreached' tenzüka liasü.

Iba sentong nung district tenet - Mon, Shamator, Kiphire, Zunheboto, Phek, Wokha aser Peren - atema bike tenet semzüksü aser parnoki meta talang nung comprehensive service packages tem agütsütsü.

Child trafficking nungi jenbua alitsü sentong ka Mon nung agi

Dimapur, Aami/June 07 (TYO): India indang arütsülen aliba district 100 nung tanur shibelenba nokdangtsü aser azüoktsü atema campaign sentong ka National Commission for Protecting of Child Rights (NCPDR) ajanga State Commission for Protection of Child Rights (SCPCR) aser District Administration, Mon den lungjemer Deputy Commissioner, Mon indang Conference Hall nung June 7, 2024 nü ayongzüka liasü.

Iba sentong nung shisalen sayur ama Tongpang L Jamir, Advocate, Guwahati High

Court, Kohima Bench dena liasü aser pai nisung shibelenba aser talisa tila tanurtem shibelenba indang statistics lemsatepa liasü.

Geographical locations mechi Nagaland nunga nisung aser talisa tila tanur shibelenba kanga lir. Aser ano makamait aser awareness agi anüngba ajanga iba timtem ya ajurur, ta pai ashi.

Shibelenba nungi jenbua alitsü mera agibattem aser iba atensa nung telangzüba agütsütsü atema pai noksa den tepang agi rasaa ashi.

Paisa mera agitsü atema jembi aser sentong nung adener

ajunga dang lungjemer iba tebilemtsü koktetsü ayongzüka liasü.

Iba sentong nung Protection Officer (DCPU), M. Alem Konyak menden liasü aser District Child Protection Officer, Sevehu Chuzo ajanga tarur pela agizüka o jembi.

Maneni Tangjum Konyak, Social Worker (DCPU) ajanga melepzüng o jembi liasü. Iba sentong nung District Administration, Police, DCPU, CWC, JJB, Child Helpline, SAA, Children Home Staff, Observation Home staff aser KU, KSU aser KNSK nungi ketdangsürtem dena liasü.

Government college tem nung bus nungdaker: ANCSU

Dimapur, Aami/June 07 (TYO): Dimapur Government College, Sao Chang College aser danga Government College tem nung bus nungdakba indang tebilemtsü taoba mapanga tezülua nung agütsütoogo, saka department aser state sorkari temulung magütsüba ajanga kaketshirtem lenmang aisü nung timtem ajuruba ngua kanga tezü atanger, ta All Nagaland College Students' Union (ANCSU) ajanga Commissioner & Secretary, Higher & Technical Education, Government of

Nagaland dangi ano maneni tezülua ka agüja liasü.

Anungi ano maneni Union ajanga ketdangtsür dang iba tebilemtsü tekeraba nung bentettsü ajungshir, kechiaser college students temi tejashi sayutsü anameta nung lir, ta ashi.

Maneni state sorkar aser department-ia kaketshir temi nungdakba meshiba angashia Nagaland nung kaketshir ajungtsü asoshi tajungtiba nung inyaksü tamang akar, ta ANCSU ajangasa ashi.

NEZCC-i research - oriented documentation atema scholars bushir

Dimapur, Aami/June 07 (TYO): Tejangja scholars shirnoki North East Zone Cultural Centre, Dimapur kübok North East viz. Arunachal Pradesh, Assam, Manipur, Meghalaya, Mizoram, Nagaland, Sikkim aser Tripura indang folk & tribal music & dances and vanishing art forms nung temulung agüja research-oriented documentation works inyaksü jangra ali, parnok indang applications meshir, ta NEZCC sangdong ka ajanga ashi.

renemtsü. Application forms aser danga osang tejangja ya pei state indang Office of the Directorate of Art & Culture/ Cultural Affairs mesüra Shilpgram, Panjabari, Guwahati aser NEZCC Head Office, Dimapur nungi angutsü.

Form ya NEZCC website <https://nezccdimapur.org.in> aser <https://www.facebook.com/NEZCC> nunga angutsü.

Application ya July 15, 2024 tashinung agütsütsüla aser iba sülen aruba application magizüksü.

Kuli kecha magütsüü application agizüksü mesüra magizüksü Director, NEZCC dak tashi lir, ta sangdong ajanga ashi.

Applicant ya Indian senso asütsüla aser pei state lisopur asütsüla, ta ashi.

Project proposals shimtsü atema NEZCC ajanga kumteta panel of experts temi

Doyang nungi plastic jana indoktsü atema telok ka tentet



Dimapur, Aami/June 07 (TYO): Wokha district kübok Doyang lake nungi mission mode nung anogo ana-asep tsüngta plastic jana bendena indoktsü atema Deputy Commissioner, Wokha, Ajit Ranjan, IAS ajanga Area Team ka tenteta liasü.

Iba team nungya Pukha, EAC Sungro; Jonji, District Disaster Management Officer; SDRF District Commandant; District Tourism Officer; Executive Engineer, Water Resources Department; District Fishery Officer; Divisional Forest Officer representative aser North Eastern Electric Power Cooperation Limited

(NEEPCO) nungi teshimtet nisung alitsü.

Area Team dang tsüngtong oa Doyang nung jana agi tzi menentsüba asadangtsü nungloktsü.

Parnok dang tangsa müreksü atema resources aser machinery nungdakbatem asadangtsü aser jana bendena indoktsü tesem bushitsü aser action plan agütsütsü mapa nungloktsü.

Iba action plan nung ajemdaker maparen ya June 8, 2024 nü tenzüksü aser anogo ana-asep tsüngta renemtsü.

Maparen ajak ketdangtsüa inyaksü aser area commander ama EAC Sungro, Pukha Lam shima liasü.

Chümoukedima DPDB senden ayonger

Dimapur, Aami/June 07 (TYO): Chümoukedima District Planning & Development Board indang June 2024 atema senden ya Deputy Commissioner, Chümoukedima indang Conference Hall nung June 11, 2024 anüngdang 11:00 ako nungi

amentsü, ta DC & Vice Chairman, DPDB Chümoukedima, Abhinav Shivam, IAS ajanga sangdong ka nung metetdaksü.

Iba senden nung züngsem ajak medema arua adentsü ayongzüker, ta sangdong ajangasa ashi.

Amongnü Modi-i Ato kilonser tenangzükba agitsü: Pralhad Joshi



June 07, 2024 nü Samvidhan Sadan, New Delhi nung NDA parliamentary party senden nung BJP Tir JP Nadda-i Ato kilonser, Narendra Modi agizükdang tangokba noksa nung angur.

New Delhi, Aami/June 07 (Agencies): Hokolbarnü NDA parliamentary party senden nung BJP lenir tain, Pralhad Joshi-i, Amongnü (June 9) nikongdang 6:00 ako Narendra Modi-i tang agi tasembenbuba Ato kilonser inyaksü atema tenangzükba agitsü, ta metetdaksü.

Iba senden nung jembidang Modi-i, "Tesüiba Lok Sabha election asem nung Congress-i takok anguba mendenji tang agiba election kija nung BJP-i anguba dang nungia ishiba. Küm 10 sülena Congress-i menden 100 nung takok menguteter," ta ashi.

2014 küm Lok Sabha election nung Congress-i menden 44 nung dang takok angu aser 2019 küm Lok Sabha election nunga Congress-i menden 52 nung dang takok ngua liasü. Tawa agiba Lok Sabha election nungbo Congress-i menden 99 nung

takok nguogo. Senden nungji BJP National Tir, J P Nadda-i Modi lenir shimtsü atema benokba sülen teloktep nung aliba party tem aser MP temi ibaji agizük. Iba sülen N Chandrababu Naidu (TDP), Nitish Kumar (JD(U)) aser Eknath Shinde (Shiv Sena) nungeri Modi meina oa Tir, Droupadi Murmu ajurua MP tasepurtem tenung agitsü.

Tang Lok Sabha tasebba nung NDA nungi MP 293 lir.

NDA MP temi Modi Parliamentary lenir shimba sülen pai BJP lenir tain L K Advani'er kidangi oa pa ajuru, iba sülen maneni pai Murli Manohar Joshi'er kidangi oa pa ajurua liasü. Ato kilonser Modi-isa taoba mapang linük Tir, Ram Nath Kovind-a ajuru.

Tawa agiba Lok Sabha election nung BJP-i menden 240 nung takok angu aser NDA teloktep nung aliba taningba party temi menden 53 angu.

TDP Tir, Chandrababu Naidu-i June 12 nü CM tenangzükba agitsü

New Delhi, June 07 (Agencies): Telugu Desam Party (TDP) tongti lenir, Chandrababu Naidu-i June 12 nikongdang Andhra Pradesh Chief Minister tenangzükba agitsü, ta Hokolbarnü party lenir Raghu Rama Krishna Raju-i metetdaksü.

"Chandrababu Naidu-i June 12 nikongdang 4:55 nung Andhra Pradesh CM tenangzükba agitsü. Iba ya Tamil Nadu nung alirtem atema mapang tajung ka lir, kechiyong Ato kilonser Narendra Modi-i asen lenirtem Chandrababu Naidu aser Pawan Kalyan na dang kanga pelaba metetdaksüogo. Asen state nungi lenir anapronglai Modi kanga akhümtsübur. Taoba mapang Chief Minister Jagan Mohan Reddy-i asen state kanga raksatsüogo, anungji asenoki Centre dang nungi teyari kanga nungdaker," ta Raju-i metetdaksü.

TDP-i Ato kilonser Modi-i aniba Cabinet nung tongtibang ministries kar akhanger asü?, ta asüngdangba langzüdang TDP lenir Raghu Rama Krishna Raju-i, "Nibo yamaji masü südi ta bilemer, kechiyong iba atemaji ni jembitsü makok. Ajsüiaka ozü party lenir (Naidu)

ya takhangba agitsüba nisung ka masü. Pai tesendaktep junga ayur, anungji pai akok tashi teyari angutsü saka pai kodanga takhangbabo magütsür," ta ashi.

Hokolbarnü Parliament building nung NDA Parliamentary senden nung jembidang TDP Tir, N Chandrababu Naidu-i, Narendra Modi ya India atema mapang tetemsü nung tetemsü lenir ka lir, ta metetdaksü.

Naidu-isa Ato kilonser menden atema Narendra Modi tenung benok. Naidu-i, "Ato kilonser Modi leniba nung NDA sorkari tesüiba küm 10 nung mapatong aika benoka inyakogo. Narendra Modi dak mangdang tajung aser tejangraba lir, aser pai mapa junga inyaker. Pai mapatong ajak junga benoker. Tanübo India nung mapang tetemsü nung tetemsü lenir lir, aser iba nisungbaji Narendra Modi lir. Iba ya India atema maongka kanga tajung, iba maongka ya magitetra teti atema magitetsü," ta ashi.

Paisa, "Tang ni numa tanga Telugu Desam Party tenung nung Ato kilonser menden atema Narendra Modi tenung benoker," ta pai ashi.

| AXIS BANK | | AXIS Bank Ltd | | Hon E-Auction asütsü atema sangdonger | | |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------|------------------|--------------------|---------------------------------------|--------------------|--------------------|
| A.C.Market, 4th Floor, 1, Shakespeare Sarani, Kolkata- 700071 | | | | | | |
| Talisa sen apurtem aser public dang, tsünglanglen aliba accounts nung nangzükba hon Axis Bank-i tsünglanglen shia aliba Branch nung public auction asütsü. | | | | | | |
| Tsünglanglen shia aliba sen apurtemi Axis Bank Limited dang nungi sen apua security atema gold ornaments ("Gold Loan Facility") agütsü. Sen apurtem/Guarantors nem Demand notices agüja sen apurtem/Guarantors dang Gold loan facility atema sen apua agüjang ta metetdaka aruogo. Ajsüiaka sen apurtem/Guarantors-i loan agiba senji magütsütet, anungji bank-i gold ornaments talisa tsünglanglen metetdaka aliba 'schedule of property' ji 18-06-2024 (anogo) nung nikongdang 12.30 nungi 3.30 ako tashi nung (e-auction mapang) "kong aliar yamaji", "koma aliar yamaji", "yangji aliba ajak" aser "Recourse Basis makai" e-auction asütsü. | | | | | | |
| Sen apurtem aser sentsüh osang tejanga. | | | | | | |
| Branch Name | Customer Name | Loan A/c No. | Amount Outstanding | Date of Demand Notice | Gross Weight Grams | Net weight grams. |
| DIMAPUR [NL] | VIKETHONUO SEKHOSE | XXXXXXXXXXXX7566 | 84910 | 15-02-2024 | 20.900 | 20.000 |
| DIMAPUR [NL] | SERLIN BEYPIH | XXXXXXXXXXXX7364 | 190001 | 29-09-2023 | 56.700 | 49.300 |
| DIMAPUR [NL] | KINIVI H CHOPHI | XXXXXXXXXXXX2365 | 72518 | 29-09-2023 | 19.400 | 18.400 |
| DIMAPUR [NL] | NEIKERANUO MEDOZE | XXXXXXXXXXXX2229 | 44690 | 29-09-2023 | 11.800 | 11.000 |
| LHOMITHI BAZAR [NL] | RAJ DEB | XXXXXXXXXXXX9179 | 47666 | 30-05-2023 | 14.210 | 11.500 |
| LHOMITHI BAZAR [NL] | MD ABUL HUSSAIN | XXXXXXXXXXXX8134 | 232012 | 05-09-2023 | 65.400 | 61.800 |
| Jelia osang memetdaksü account agentsü/auction anogo melenshitsu asoshi Axis Bank Ltd. dak tashi lir. Auction ji online https://gold.samil.in (website of online vendor) ajanga nikongdang 12.30 nungi 3.30 tsüngda (mapang) agitsü. Telatetbatem osang tejanga metetpelsü atema agüja aliba website https://gold.samil.in (website of online vendor) nung reprangtsü akok. | | | | | | |
| Date: 08.06.2024 | | | | | | Authorized Officer |
| Place: Kolkata | | | | | | Axis Bank LTD |

India nung küm ka tsüngda mid-term election agitsü: Bhupesh Baghel

New Delhi, June 07 (Agencies): Hokolbarnü Congress lenir aser taoba mapang Chhattisgarh Chief Minister, Bhupesh Baghel-i, linük nung taruba küm ka tsüngda mid-term general election agitsü, ta metetdaksü.

BJP-i aniba NDA MP temi Narendra Modi lenir shimba aser Ato kilonser menden atema agizükba anogo nung Congress lenir, Baghel-i, "Party (Congress) nung inyakerem renema alitsüla. Ita trok nungi küm ka tashi nung mid-term election agitsü," ta ashi.

Lokti senden ka nung jembidang Uttar Pradesh Chief Minister, Yogi Adityanath, Rajasthan Chief Minister Bhajan Lal Sharma aser Maharashtra Deputy Chief Minister Devendra Fadnavis nunger aija Baghel-i, "Yogi Adityanath menden anokshidar, Bhajan Lal Sharma tashi meiti kümndar aser Fadnavis-a anendar," ta ashi.

Modi-a aija Baghel-i, "Ut ya tangbo tenem teküboklen lir. Anogo ka kija nung süoshi asemben asemertemi tangbo süoshi ka dang semer sentong asem tashi nung adener. Joko tangbo parnoki chiyung achitsü, ajemtsü mesüra aben-süoshi melentepa agitsü atema mebilemer," ta ashi.

Congress lenirisa, "Tawa agiba Lok Sabha election nung nüburtemi BJP dang tansütsü ka sayuogo. Party tem loksatsürtem, chief minister tem jail nung puokertem aser amokmerenertem dang tansütsü lesson ka sayuogo," ta ashi.

Tawa agiba Lok Sabha election nung Congress-i aniba opposition INDIA teloktepi menden 234 tashi ngutetbaji Narendra Modi atema tamakok ka ama züngshir. Taküm election nungbo BJP kijai sorkar akümtsüsa menden peria mengutet saka NDA teloktepi menden 293 ngutetba ajanga maneni Centre nung BJP leniba nung sorkar akümtsü.

Ato kilonser Narendra



June 07, 2024 nü Bengaluru nung Congress lenir Rahul Gandhi court ka matsüngdangi aodang tangokba noksa nung angur. Karnataka BJP unit-i pa anema tenung menüktsüba ken o benoka lir. Hokolbarnü iba ken o nung special court kati Rahul nem bail agütsüogo.



GOVERNMENT OF NAGALAND

DIRECTORATE OF INDUSTRIES & COMMERCE



NAGALAND : KOHIMA

ADMISSION NOTICE

Applications are invited from eligible candidates for admission to the following 3-Year Diploma Programmes (AICTE Approved) for the Academic Session 2024-25 at Nagaland Tool Room & Training Centre (NTTC), Dimapur.

- Diploma in Mechanical Engineering
- Diploma in Computer Science & Engineering

ELIGIBILITY:
Matriculation or Equivalent Examination from a recognized Board.

AGE CRITERIA:
Between 15 to 22 Years (relaxable to 25 Years for SC/ST Candidates)

SALIENT FEATURES:

- 70% & above in Matriculation/ Equivalent – Direct & Free Admission
- Eligible for scholarship under State/ National Scholarship Portal Scheme
- Incentives from the Institution for the Meritorious Students and Attendance Toppers
- Industrial Trainings & Internships
- Educational Tour during the course of the study
- Seminars & Workshops conducted by experts in the related field.
- Academic Collaboration with Kaziranga University (KU), Jorhat (one of the top Universities in Assam)
- Industry Collaboration with reputed Companies for Internships & Placement
- 100% Placement Assistance.
- High prospect of Entrepreneurship with assistance for business loan from financial institution to the willing candidates after the completion of the Course.
- Well equipped Lab. for Practical Classes.
- Hostel seats available on first come first basis
- Safe, hygienic & green campus with ample parking space.

Form & Prospectus will be available at the office of NTTC, Dimapur on all working days from 9:00 am to 4:00 pm. Application Form may also be downloaded from the website. <https://nttcdimapur.org.in/>. In which case the fee of Rs 300/- only may be deposited while submitting the form.

FIRST-COME-FIRST BASIS
On-the-spot Interview

For further details, visit the website: <http://www.nttcdimapur.org.in> or contact the following Course Coordinators: 8787383944/ 8837319366/7005162525. (Reception desk: 7005876150)

Sd/- P. Tokugha Achumi, Director Industries & Commerce Deptt.

• Website: www.nttcdimapur.org.in • Email-ID nttcdimapur@gmail.com
New Industrial Estate, Sub-Jail Junction (Tinali), NH-36 Diphu Road, Dimapur: Nagaland



TIR YIMYIM

YIMOBILEM (EDITORIAL)

DIMAPUR

KÜPTOKNÜ

AAMI 08, 2024

Pei nok agi pei yiru

India nung BJP teloki aniba government arur külen yimten mapatem dang nungibo tamangba yimsü tsütsüang temulung tagütsüba agüja inyakba agi kasa India nungersa süaka tamang yimsü balala amangertem tsüngda tsükchir danga taoba kümdaktsüdag. Aji oda, taoba küm ter tsüngda BJP teloki yimsü asü dang yimten mapatem dang nungibo tamangba yimsü tsütsüang temulung tagütsüba agüja inyakba agi Ram tenla kibo tuluka yanglutetogo saka Naga yimten tebilemstübo tamajungbaang kümdaktsüogo. Kasaji, kümsa küm Imphal lenden nung tamangba yimsü aser kin balala tsüngda kecha mangatettep mali putep-putepa dang kibalemputepa kibong ka chir ama kümer meimtepa lia aruba lima agi, tanübo kin o kin na raraba lima kümer tenla ki dena rongdoktsütsüsa atalokbaji yimten tebilemstü akoktsü merangtsü melen tangar tamangba yimsü anema inyaktsüang jangraba ajanga atalokba lendong mapatem lir. Aji oda, Assam nunga tangar tilartemi masü saka Chief minister-iang Assam nungbo Yisu tenüng nung taneptsü meshia sarasadema masütsü aser lokti asoshi taneptsü sentonga mayongzüktsü metetdaktsüba agi Khristan-tem sarasadema mesademtsüsa kümdaktsübaji yimten mapa dang nungibo tamangba yimsü nungang temulung tagütsüba agüja inyakba agi, peisasa pei lima tipmatem kümdaktsüba mapa ka asütsü. Iba ama tangar tamangba yimsü anema inyaksang, tangar masü asen kidanger, Assam chief minister Himanta Biswa Sarma-iang ano meyiper tawa agiba Lok Sabha election nung tamangba yimsü tapu ka amangertemi Nagaland, Manipur aser Meghalaya nung BJP telok anema inyakba agi BJP madok ta aija jembibaji pei nok agi peisasa yirur atepdener amai lir. Tenük agi mangu saka India nung tamangba yimsü tsütsü telok ana kümer azü tokshia rara tulu adokbaji India yimten nüchiso anguba mapang Hindu aser Muslim nungter tsüngda atalok. Idangji, tang India kümer aliba lima nung ya Muslim nungertem tali majung akümba agi pei kiojen aser kimunglumong ajak toktsür tang kümteta aliba Pakistan leni jena ao, ano külen Pakistan nung alir Hindu nungertema tali majung kümer yangji aliba ali rongsen ajak toktsür India leni aru. Idangji yimtsür yimer, medemer aser kinunger külemi lia aliba ajungbena pilaba tanü tashi aika majurutepteter. Tanü India nung yimsüsürtemi Hindu nungertem dang Muslim aser Khristantem sempadaktsütsü aser Muslim nungertem danga Hindu aser Khristantem sempadaktsütsüsa o jembiba ajunga nung tesempa-tesempa o dang jembira, item tesempa o tem jagi linük nung tamangba yimsü tapu balala amangertem rongnung azü tokshia rarateptsü ana nung dang lir. Atangji, pei amangba yimsü nung akangakanga amangbaji junger saka pei tamangba yimsü agidang yimtena yimsü südaktsütsü merangra, aji agibo linük nung nübortem sünepa melitetsü. Tamangba yimsü yabo alima nung vote angutsü atema masü saka temeim mapa inyaktsü aser sür külen tajungdaki aotsü asoshi amanger. Ajisüaka, yimten menden nung mena yur kari amangba tamangba yimsü anema dang jembia mongra, item tamangertem jagi item yimten yimsüsürtemi jembiba ken o nung kodanga mamangtsü aser mapa nunga masemtsü. Aji oda, tamangba yimsü balala amanger tsüngda aser kin o kin na tsüngda tongpang rara ayongzükter mesürabangla, linük temzüng nung shia alima ama India-ji tamangba yimsü ajak agizüka amangdak aser sayudak tesünep aser sensosanger ajak tetsübu tarendak melii sadema litetba lima ka küma tajungba aser tesünepba küma yanglutsübajing yimten mapa asütsüla. Atangji, Tsüngrem tama saka kü tsüngremi tangar sempatsü ken o dang jembitsü ajungshira, iba tsüngremji tama jangjamatsüla.

OLEMSABANG



OFFICE OF THE
LANGPANGKONG KAKETSHIR MUNGDANG

Langpangkong Students' Conference

H.Q. Chuchuyimlang – 798614. Dist. Mokokchung : Nagaland

Ref. No. LKM/GS/C.E-03/2024
Date: 06/06/2024

CLEAN ELECTION OLA

Clean Election tetezü kechi? Kodang asenoki clean election mesüra temerük election ta südir iba ya nisung balala asoshi tangatetba ji balala asütsü, saka asenoki iba ya tongmelang agi shidi süra election koba nung nisung shibasa election nung shilem agitsü temsüa lir, kecha tashishitep melii agitetba dang clean election ta ashitsü akok.

Election merüka aser ochishia akatsübaji Democratic Form of Government indang nükmen lir. Linük ka indang sensopur (citizen) ka asü tashi nungbo asenok shinga politics nungi jenbua mali. Khen mapang ka Naga nungeri lenisüba ji lokti/telok ka asoshi bendanga agütsüa tenzükba mapa/shilem amai agizüka aru. Saka asenoki tang tensa reprangdangra lenisüba menden nung amenbaji kudasür pa/la atema rongsen bendentsü, iba tangatetba nung dang inyaker aser iba mapa asoshi maongka amai dang agir. Asen linük koba nung politicians, politics nung jangrartem (aspirants) aser vote enoktsürtem (voters) timba Christian, asenok Khrista yimsüi asenok dang tesayuba agütsüba/asen libaliro agi election mapang nung mesayur. Kodang asenoki Nagaland nung election agiba otsü jembidir sen agi vote alizükba, azü tokshiba aser süpokrem mapa den dang atishia jembir.

Asenok ajaki temelenshi indang jembir, temelenshi aginüba indang jembir - iba temelenshi ji asenoki bener marura shibai bener arutsü? Clean election jagi iba temelenshi ji tuluka bener arutsütsü masü na? Asenok kobika sen nem alizükdaktsütsü?

Alima nung asenok democratic country tulu rongnung ka nung alir. Süra alima ajaki asenok Naga nunger dang nungi Free and Fair Election ji kechi dang ajar ibaji sayutet nung koda jungla. Candidate ka atema vote agütsütsü sen tashi aser injang nem dang inyakdatsü nungbo asen Nagaland kodanga tajungba makümtsü. Tang aliba tensa dang nungi tamajungba dang akümtsü.

Tan? asüng lokti nung tashiyim agi lenitsü merangba jagi tajangzük kecha magütsür. Asen lima nunga ochishia aser sadoka inyaktsü ajungshia merangtsüla. Lokti teshimtet ka mesüra nisung kar ajangzüktsü atema dang masü saka Naga nunger ajak ajungtsü mechi nung asenok ajaki sarasadema tuluba aser talangba lia aotsü nükjidong nung mapa inyakdi.

Nüburtem nem shitakba lenir aser party shimtsü temeten agütsütsüla (right to decide and vote their right candidate) aser iba inyakba ajanga asen lima nung yimjung aser terenlok bener arutsü.

TEZÜLUR : Kajenkaba
Tir,
Asetkong Kaketshir Telungjem
Mungdang (AKTM)

Tayonger (Initiator) :
Langpangkong Kaketshir
Mungdang (LKM)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Azerbaijan-i Armenia Khristantem nüngshi kiojen raksatsür: USCIRF



Artsakh nung Armenia nung Khristantem indang Tenla ki kar noksa nung angur.

June 07, 2024: Azerbaijan-i Artsakh nung Armenia nung Khristan Tenla kitem densema nüngshi kiojen aika raksatsüdar, ta International Christian Concern (ICC)-i metetdaksü.

United States Commission on International Religious Freedom (USCIRF) 2024 report ajanga US State Department dang International Religious Freedom Act (IRFA) kübok Azerbaijan linük-a "Country of Particular Concern" (CPC) nung züngoktsüla, ta benokogo.

Azerbaijan-i tamangba yimsü temeden anema inyakba atema USCIRF-i US State Department dang iba linük ya CPC list nung züngoktsü benok.

USCIRF report ajangasa, Artsakh kübok Shushi province

Armenia nung Khristantem meyong akhi kiojen asem raksatsüba osang metetdaksü.

Yaküm October aser November ita nung Azerbaijan-i 1838 küm asüba Meghretsots Holy Mother of God Church Tenla ki, Yerevan Gate Cemetery aser Ghazanchetsots cemetery raksatsü, ta Caucasus Heritage Watch-i metetdakja liasü.

Tawa International Christian Concern-ia Azerbaijan-i Artsakh kübok Shushi province nung Armenia nung Tenla ki ka raksatsüba aser yim ka rangben raksatsüba osang metetdaksü.

Azerbaijan-i Armenia Khristantem sobaliba raksatsüba den külemi Khristantem indang nüngshi

kiojen ajak samatsütsü nükjidong nung inyaker.

Yaküm September ita nung Azerbaijan-i Artsakh atsünga agiadokba sülen US nung amenoka aliba melungtet telok Lemkin Institute for Genocide Prevention-i, "Azerbaijan-i Armenia Khristantem jenti tepsettsü, talisa Artsakh nung aliba Armenia nungertem tepsettsü nükjidong nung asalentong yanglua inyaker," ta metetdakja liasü.

Lemkin Institute for Genocide Prevention-isa, Armenia nung Tenla kitem aser nüngshi kiojentem maneni raksatsüba ya Khristantem sobaliba samatsütsü aser region nung Armenia nung puti otsü samatsütsü nükjidong nung inyakba lir, ta metetdaksü.

Linük 70 nung tepuokdak alirtem nem Audio bible 90,000 agütsütsü

June 07, 2024: Prison Fellowship International aser Faith Comes By Hearing telok nati longjemer alima nung Khrista osangtajung proktsü atema inyaktsü.

Faith Comes By Hearing ministry nung Chief Ministry Officer, Jonathan Huguenin-i, "Alima nung Tsüngrem O agi kanga anüngba tesemtem ayimjemtsü atema onoki tangar den longjemer inyakba ajanga temelenshi tulu lir, nija aser kibong aika taküm nung kongshio," ta metetdaksü.

PFI program kübok tepuokdak alirtem meyirjang aika den külemi kibong meyirjang aika den Khrista osangtajung lemsateptsü atema Prison Fellowship International (PFI) aser Faith Comes By Hearing (FCBH) nati longjemer inyaktsü asoshi tezüngzüktep ka agiogo.

Huguenin-i, "Onoki tuluba atemzuka inyaktsü meranger. Tsüngrem O ajanga nüburtem nem teimla aser tanela

chiyungtsü agütsütsü asoshi onoki inyaktsü," ta metetdaksü.

PFI program kübok taruba küm pongu tsüngda parnoki audio aser video Bible 90,000 dak tema agütsütsü. 2021 küm nungi tenzüka organization anati longjemer inyakba ajanga tepuokdak alir 34,000 jungnüa The Listener's Way (TLW) course agia graduate süogo aser maneni organization anati tepuokdak alir kibongtem den Tsüngrem O lemsateptsü atema inyaker.

Prison Fellowship International nung Tir aser Chief Executive Officer, Andy Corley-i, "TLW course tali agütsütsü aser PromisePath ajanga tanurtem aser tanur anepalurtem den Khrista osangtajung lemsateptsü atema onoki longjemer inyaktsü," ta metetdaksü.

Organization anati longjemer linük 70 nung tepuokdak alir 700,000 nem TLW course agidaksütsü

nükjidong yua lir.

Tepuokdak alirtem aika junga mazüng, ibayongji audio aser video Laishiba ajanga osangtajung Luk kaket nungi tepuokdak alirtem nem tesayuba agütsütsü, koba dang Proclaimers & Acclaimers ta ajar.

Audio aser video bible indang osettemji anü tashi ajanga 'charge' süa amshitetsü, aser ibaji ajanga kanga tezülen aliba tesemtem nung sensakertem aser tepuokdak alirtem aikati Khrista osangtajung metettsü.

Iba dak alia PFI program kübok linük 30 nung tepuokdak aliba chirnurtem 90,000 aser tanur anepalurtem 40,000-i Khrista osangtajung metettsü.

Mission mapa inyakba telok ana- Prison Fellowship International (PFI) aser Faith Comes By Hearing (FCBH) longjemer inyakba ajanga alima nung Khrista osangtajung prokba jenjang ano tajungba ajungkettsütsü.

ANOGO ABEN TSÜNGREM DEN

Tsüngrem Tiyongtsü

"Aser pai nütsüng teranaji külemi aja, aser tashitak anebtsütsü aser temenen tanela ajak madak ain aser tashi pamok nem agütsü. Aser Tsüngrem yimli sayutsüngtsü aser shiranger anebtsütsü pai pamok yok" (Lk. 9: 1,2).

Tesülen Yisui pa sülen anidaker 70 kasa tenyaba mapai yok, aser parnok tepela nung yamai ashi, "Kibuba ne tenüng nung temenen tanelatemia onok dang angar" (Lk. 10: 17). Item missionarytemi temenen tanela alibaji meteta liasü aser ibaji inyaktsü parnok aja ta parnoki züngshi. Tebilem nung, temenen tanüla tashi-i parnok mapa nokdangtsü ta Yisui yokba missionary-tem jagi tsübuu bilemer alitsü. Saka temenen tanela madak takok anguba nung süngmangseta tepela nung shilang. Ajisüaka, taoksatsüka Yisui parnok dang ashi, "Temenen tanelai nenok dang angaba nung tepela saka kotak nung nenok tenüng zülua aliba asoshi pelaang". (Lk 10:20). Yisui osangtajung sayutsü aser anebtsütsü asoshi 70 yok, saka pamok ajaki temenen tanelai parnok dang angaba osang dang bener aru. "Pastor aser Deacon tiyongtsü tesüdaksü" ta Yisui langzü südi. "Tsüngrem yimli tiyongtsü südakjang, tenzüka tiyongtsü südakjang".

Ibaji tekümdangtsü. Nai ne taküm nung aser tangar taküm nung amang yimli den raratepdang, nai ne sasa na tanelaren nüji asoshi rarar ka ama bilema temenen tanela kishi züng ajak nung repranga aotsü akok. Saka ochi agi na nüji kümdaksü, temetetba agi masü. Amang odaktsütsü asoshi na maja, tesangwa dangi meyiptsü na aja. Ne dak Tsüngrem jakla meketra aser Khrista dak aliba jakla melira na kecha tashi makatsü.

Kibuba amang temelem koktettsü Ne tesangwa teperi lir. Halleluha !

Southern Baptist-i tetsür pastor aliba Arogotem nokdangtsüa akok

June 07, 2024: June 11-12 anogotem nung Indianapolis nung Southern Baptist Convention aliba mapang nung tetsür pastor tem aliba Arogotem nokdangtsü atema vote agütsütepa temzüng ka latettsüa akok, ta osang ka ajanga metetdaksü.

Tawa First Baptist Church of Alexandria, Virginia nung tetsürtem aser tanurtem atema pastor, Kim Eskridge-i züngsemstem dang taruba Vacation Bible school (VBS) nung tanurtem dendaktsütsü atema kiyongertem ajungshiang, ta metetdakja liasü.

Iba Arogo nung pastor ji tetsür lir, anungji kobi melii Southern Baptist Convention-i First Baptist Church ya nokdangtsüa akok.

June 11-12 anogotem nung ayongzüka SBC senden nung adenertemi pastor tetsür aliba Arogotem nokdangtsü atema Arogo temzüng yanglushitsü asoshi vote agütsüteptsü.

First Baptist Church-i nungdak balala atema Southern Baptist nem dollar sen million aika tenla agüja aruogo aser Aso 19buba mapang nungi parnok SBC nung densema lir, ajisüaka SBC senden nungji tetsür pastor aliba Arogotem nokdangtsü atema telemtetba agitsüa akok.

First Baptist-i sangdong ka ajanga, "SBC inyaksangshi atema onoki mepelar," ta

metetdaksü. Osang angazükba agi, SBC-i tetsür pastor aliba Arogotem nokdangra ibaji ajanga Arogo aika kongshitsü, talisa tanak nisungtem indang Arogotema aika kongshitsü.

Virginia nung aliba pastor kati SBC ketdangsertem dang, First Baptist densema anasa aliba Arogo pezü nung tetsür pastor tem lir, ta metetdaksüba sülen taküm April ita nung SBC Credentials Committee-i ibaji bushisüngdang tenzüka liasü.

SBC den tesendaktep aliba Arogotem nung tetsür noklang aika Arogo nung tongti menden nung lir, ta asadangteter.

Tetsür pastor tem aliba Arogotem nokdangtsü atema temzüng yanglushira linük nung Protestant denomination tulutiba (SBC) nung züngsem Arogotem ajema akümtsü.

SBC nung züngsem million 13 shi dang kümogo aser baptiba-a kanga ajema kümogo.

Tanak nisungtem indang Arogotem nung tongti pastor temji teimbaka teburtem lir, ajisüaka tesem kar nungbo tetsürtem nem worship pastor aser children's ministries pastor inyakdaksüdar.

Baptist Arogotem ya independent Arogotem lir, anungji SBC-i pastor ji tetsür asü tebur shimtsülar tetuyuba magütsütsüla, ta Arogo lenirtem aikati bilemer.

GOVERNMENT OF NAGALAND
DIRECTORATE OF INDUSTRIES & COMMERCE
NAGALAND : KOHIMA

ADMISSION NOTICE

Applications are invited from interested candidates for admission to different levels of **Diploma (Voc)** for the Academic Session 2024-25 at **Nagaland Tool Room & Training Centre (NTTC), Dimapur**. The courses are aligned with NSQF under MSDE through Community College Programme approved by AICTE, MHRD. Course duration upto 3(three) years are mentioned below:

| S.No | Name of the Courses | Diploma (Voc) | Duration | Eligibility |
|------|--------------------------------------------------------------------------------|----------------|----------|------------------------|
| 1. | AUTOMOBILE <i>Specialization in Engine Testing</i> | NSQF Level-III | 1 Year | Class X pass and above |
| | | NSQF Level- IV | 1 Year | NSQF Level III Pass |
| | | NSQF Level -V | 1 Year | NSQF Level IV Pass |
| 2 | ELECTRICAL <i>Specialization in Electrical Equipment Maintenance</i> | NSQF Level-III | 1 Year | Class X pass and above |
| | | NSQF Level- IV | 1 Year | NSQF Level III Pass |
| | | NSQF Level -V | 1 Year | NSQF Level IV Pass |

Application form is issued at NTTC office, Dimapur on all working days (9:00 AM to 4:00 PM)
Admission Started for 2024-25 session on first come first basis

IMPORTANT INFORMATION:

- Students are eligible for scholarship under State/National Scholarship Portal (NSP).
- Registration fee Rs. 100/-
- 100% placement assistance
- Hostel seats available.

For further details, contact the following enquiry numbers
 *(For Automobile -9089995507/9233722019)
 *(For Electrical-7005162525/8837319366)
 (Front desk — 7005876150)

Sd/- P. Tokugha Achumi, Director Industries & Commerce Deptt.

Website: www.nttcdimapur.org.in • Email-ID nttcdimapur@gmail.com
 NTTC, New Industrial Estate, Sub-Jail (Tinali), NH-36 Diphu Road, Dimapur: Nagaland

Menungra Bilemteter

ASO:
2.6.1961

ASÜ:
8.6.2023



Asür Sentitoshi (Chuchuyimpang)

Temeim oba nai onok toksür orr küm ka ajungba anogo nü temeim bilemtetera na meliaka na menungra sarasadema amunger.

Temeim kinungtsü, chrinurtem, semchirtem aser kinungertem.

OFFICE OF THE
CHANGKI LONGCHAR KIDONG
DIMAPUR -797112 : NAGALAND

TENÜNGSANG AGÜTSÜR



Kr. Longchanenla

Dimapur Changki Longchar kidong ajanga Wb.Tekaningsang Longchar aser Wt.Aneü Usou na jala Kr.Longchanenla-i NPSC CESE 2023 tatidang nung Education nung Assistant Professor mapa ngutetba takok tulu asoshi tenüngsang agütsür.

Tsüngremi ne taküm aser wadang nung maneni moajangma.

Sd/-
P. DCLK

Sd/-
Shilumenba Longchar
General Secretary, DCLK

AFFIDAVIT

Regd. No 258/2024 Date: 7/6/2024

I, Shri. BURCHIBA S/o Chubanungba, resident of Chuchuyimpang, Mokokchung, Nagaland do hereby solemnly affirm and declare as under:

- That, I am a bonafide citizen of India and a resident of the above mentioned address.
- That, my official name is "BURCHIBA" as entered in all my Official Documents, however, in my Indian Passport bearing Passport No. E6082965 my name has been inadvertently entered/recorded as "P. PURCHIBA".
- That, in my Indian Passport my residential address has been entered/recorded as PWD Colony, Behind Rest House PWD Post Office, West P. S. Dimapur, Nagaland-797112, whereas, I have shifted my residence to Chuchuyimpang, Mokokchung, Nagaland.
- That, henceforth, wherever the name "P.PURCHIBA" appears it should be rectified and recorded as "BURCHIBA" and moreover, I shall use all my residential address as Chuchuyimpang, Mokokchung, Nagaland by all concerned for all my official purposes
- That, this affidavit is sworn to declare and rectify my official name and my residential address before the competent office/authority.

That the statement made by me from Para 1 to 5 are all true and correct to the best of my knowledge, belief and information and nothing material is concealed therein.

DEPONENT

Solemnly sworn and declared before me on this 07th day of June, 2024.

Imliakum
Advocate & Notary Public
Govt. of Nagaland

US nok-nü amshia Ukraine-i Russia li nung amak tenzükogo

Kyiv, Aami/June 07
(Agencies): Antiolen linüktem indang nok-nü amshia Russia litsü telung nung amaktsü melaba nung tajangzük aliba Ukraine-i taoba hopta angateta alitsü.

Russia-i asendenshir May 10 nü Kharkiv amakba sülen May 26 aser 27 nü France aser Germany linüki par indang nok-nü amshia Russian li nung amaktsü Ukraine dang melar ta shia liasü.

US-ia May 30 nü Ukraine nem Kharkiv nung "counter-fire purposes" atema par nok-nü amshitsü melar ta shia liasü.

Tetetzü Russia-i injang-bomb khaloktsüba tesem nung dang Ukraine-i meyiper khaloktsütsü melar.

Taoba hopta Ukraine Tir Volodymyr Zelenskyy-i sepaitem Ukraine north tsütsü Sumy yimti nung adenshir ta shia liasü.

Ukraine-i Western nok-nü amshia taoba Hokulbarnü Russia li nung amakba ta sangdongba ya item tenokdangba nung mangatetep adokba nung ajemdaker alitsü.

"Defence Forces of Ukraine-i ATACMS (US Army Tactical) missiles amshia Kerch ferry crossing amak, koba tsükchir temi par sepaitem

anidenba nung amshia liasü," ta Ukraine indang general staff ajanga sangdong.

Kerch ferry crossing ya Russian tsütsü Kerch Strait nung lir, koba ajanga Crimea aser Russia indang Krasnodar Krai region sadanger, aser ibai Kharkiv anasa masü aser Russia indang Belgorod region anasa lir.

Ukraine-i railway aser gari indang oset bena aliba rong ana kanga mejungi raksatsü aser military logistics nung tetsükdaktsü agütsü ta ashi.

US-isa Ukraine nem par indang 300km-range (186-mile) ATACMS Russia nung amshitsü memelar ta shia liasü.

Germany indang ambassador to UK-ia US mesük tenokdangba indang shia liasü aser Russia arütsülen nungi Kharkiv amakba nungi kumzük alitsü atema dang Ukraine-i amshitsü ta ashi.

UK aser France linüki nok-nü amshiba nung tenokdangba mezüng agiena liasü aser yimjak nung iba ama tenokdangba indang shia mali.

Hopta tatemlen Ukraine-i high mobility army rocket systems (HIMARS) amshia Belgorod nung Russian S-300 mesüra S-400 air defence complex ka amak.

Litsü-lika amakba nung tenokdangba agütsüba aser melaba indang ken o temai adokba sülen Ukraine tembar linük temi F-16s amshitsü atema par tangatetba tali tejangjaba nung ashir, koba taküm nungi ang agütsütsü.

Denark indang Foreign Minister Lars Lokke Rasmussen-i Ukraine nem agütsüba par indang F-16 fighter jets amshia Russia telung nung amaktsü tenokdangba mali ta ashi.

Netherlands Defence Minister Kaja Ollongren-ia kasaji June 3 nü shia liasü.

"Onoki Ukraine nem agütsüba sülen aji amshitsü par mulung," ta lai ashi.

Netherlands-i Ukraine nem autumn tashinung F-16 fighter jets 24 agütsütsü nangzük lir.

Denmark-ia taküm meyi mapang agütsütsü.

Ajisüaka Belgium Ato Kilonser Alexander De Croo-ibo Belgian F-16s aser danga nok-nü amshia Russia mamaktsü ta ashi.

Item tenokdangba agienba atema telangzüba agütsüba mapang, ozü litsü wazüka ayutsü atema ozü ken nung aliba nuclear tashi amshitsü atema bilemdangtsü, ta Russia Tir Vladimir Putin-i shia liasü.

PM Netanyahu-i July 24 nü US Congress nung jembitsü

Washington, Aami/June 07
(Agencies): Israel Ato Kilonser Benjamin Netanyahu-i Washington DC nung US ozüng yanglurtem den July 24 nü jembitsü, ta congress leniri Brehostibarnü sangdong.

Israel-Gaza maneni raraba mapang pai Congress indang chamber anaprong - Senate aser House of Representatives - nung jembitsü.

Israel ato kilonser ya Republicans aser Democrats telok anaprongi jaoka liasü, saka pai o jembitsü anogo ya Brehostibarnü ang sangdong.

Rara dak sendakba nung taoba ita International Criminal Court indang prosecutor-i Israel lenir aser pa indag defence minister Yoav Galant anema arrest warrants benoka lir.

Netanyahu-i ICC mera ya aitsü aser nisung aika tepseter den "democratic Israel" medemdangba ya sempaseta magizüker ta shia liasü.

Onok samatsütsü meranger anema raraba indang ochi jembitsü atema Israel tenüng nung nokdaktsü jaokba maongka ajanga temulung nung kanga kongshir ta Netanyahu-i shiogo, ta congress lenirtem sangdong ajanga ashi.

Ato kilonser jaoka züluba shiti nung, Netanyahu-i iba maongka agia democracy kumzük ayuba, kiralongrar den raraba aser region nung teti asoshi yimjung tenzüktsü atema Israel sorkar mangdang lemsateptsü imlar, ta House Speaker Mike Johnson aser Senate Minority Leader Mitch McConnell nati ashi.

Tenaprong ya Republican telok nungi lir.

US den aser talisa US Democrats lenirtem den tesendaktep mejungi akumba mapang ka Netanyahu-i semdangtsü.

Pa jaokba bhukumer saka Ato Kilonser den mangatetep aliba tejangja ni yimjak nung aser telung nunga lemsatepogo, ta Senate Democrat lenir Chuch Schumer-i sangdong ka nung ashi.

(Maneni tapak 8 nung...)

METETDAKTSÜR

National Awards Portal (<https://awards.gov.in>) nung PRADHAN MANTRI RASHTRIYA BAL PURASKAR (PMRBP), 2025 atema application agizük tenzükogo ta nüburtem dang metetdaktsür.

Bravery, Sports, Social Service, Science & Technology, Environment, Arts & Culture aser Innovation nung national level nung tetushi agütsütsü langa aliba tanur nem iba sempet ya agütsür.

Arishi küm 5 nungi 18 majung (July 31 tashinung) aliba Indian senso aser India nung alir tanur mashi-i iba sempet agizüktsü.

Senso mashi nungi open nominations ya National Awards Portal <http://awards.gov.in> ajanga dang agizüktsü. Sempet atema Self-nomination & recommendations agizüktsü. Online application ya **31.07.2024** tashi agizüktsü. Iba dak sendakba tali tejangjaba nung metettsü asoshi National Awards Portal (<https://awards.gov.in>) nung reprangtettsü.


 सौ. सोन्यालियन/T. SONGZALIAN
 Under Secretary
 महिला एवं बाल विकास
 Ministry of Women & Child Development
 भारत सरकार/Govt. of India
 नई दिल्ली, India

CBC 46101/11/0001/2425

METETDAKTSÜR

Mr. Imlionen Yaden Merangkong ajanga shirnok dang nungi kechi sentsü bener arudir aji kinungeri memetet aser tanü 08.06.2024 nungi onoki pa indang kecha khuret mabentsü sangdonger.

Mr. Imtisüsü Yaden aser Kinunger.

State Level Pre-Subroto cum Junior Football Tournament osang



Kohima, Aami/June 07 (TYO): Mezüngbuba State Level Pre-Subroto cum Junior Football Tournament 2024 tang tasayadak aliba Under-14 Boys nung Peren, Wokha, Chümoukedima aser Kiphire district tem kock-out rounds tongogo.

Pool toppers ama team pezü ya knock-out round tongogo aser Hombarnü asayatsü.

Under-17 Girls tournament ya Honibarnü tenzüksü, kong district 11 nungi tokteptsü. Peren, Noklak aser Kohima Pool A nung lir, Pool B nung

Phek, Tuensang aser Dimapur, Pool C nung Wokha, Chümoukedima aser Mokokchung aser Pool D nung Zunheboto aser Niuland lir. Iba tournament ya Department of Youth Resources and Sports, Nagaland ajanga Indira Gandhi Stadium Kohima nung ayongzük aser June 11 tashi asayatsü.

Tasemnü Under-14 Boys matches indang results yamai alitsü:

1. Wokha beat Niuland 3-1
2. Kiphire beat Phek 2-0

3. Longleng beat Mokokchung 3-0
4. Mon beat Zunheboto 1-0
5. Chumoukedima beat Shamator 6-0
6. Dimapur beat Kohima 3-1
7. Tseminyu walkover against Tuensang

Under-17 Girls matches for Jun 8:

1. Phek vs Kohima @7am
2. Peren vs Chumoukedima @ 8:30am
3. Noklak vs Dimapur @10am
4. Zunheboto vs Mokokchung @12:30pm
5. Kohima vs Wokha @2pm

Palestine-i FIFA World Cup qualifiers round 3 buba tongogo

Doha, Aami/June 07 (Agencies): Brehostibarnü Doha nung Lebanon den asayadang telok katia goal magütsüteti asaya atemba ajanga Palestine ya FIFA World Cup indang round 3 buba nung asayatsü jenjang ka alangzuka otsü yangluogo.

Gaza nung rara liaka taküm Palestine team-i Asian Cup nung mezüng asayadang knockout phase tonga liasü.

Brehostibarnü Group I match nung Palestine ya points tenet bener round asem bubai aitsü atema draw dang nüngdaka liasü aser Lebanon-i yellow cards tenet menaa asayaka parnoki aginüba ama asaya tembang.

Ibai Palestine asoshi AFC Asian Cup finals pezüben buba atonga asayatsü asoshi maongka angur alitsü, koba Saudi Arabia-i 2027 küm ayongzüksü lir.

Manager Makram Daboub'er telok ya June 11 nü Australia den asayatsü. Dhaka nung Australia-i Bangladesh madak 2-0 agi koka liasü.

Burundi nungi tsürabortem jena oa Tanzania nung jenoka yangji refugee camp nung asosang Nestory Irankunda ya Australia asoshi

mezüngbuba asaya liasü. Aser arishi küm 18 tain Irankunda yagi asaya tenzüker minute 29 buba nung goal mezüngbuba agüja liasü. Kusini Yengi-i tanabuba goal tongloksü.

Ano asaya dang aka nung PSG nungi asayar Lee Kang-in aser Tottenham nungi sayar Son Heung-min nati South Korea asoshi goal anana agüja Singapore madak 7-0 agi akok aser India nunger football asayar tenet Sunil Chhetri-i linük asoshi asaya 151 aser tatembangba Kolkata nung Kuwait den asaya liasü, kong telok katia goal magütsüteti asaya tembang.

Kolkata nung football sabur nisung 59,000 jungnüai Chhetri pela agizük aser pa asaya moabu nungi tokodang pa nem akum agüja liasü, koba pa asoshi international career tatem liasü.

Arishi küm 39 tain Chhetri-i India asoshi küm 20 jungnüa asayadang goal 94 agütsü.

All-time international scorers list nung Cristiano Ronaldo, Iran nunger asaya nungi anener alisang Ali Daei aser Lionel Messi nungertem sülen Chhetri ya lir. Prince Abdullah Bin Jalawi

Stadium, Saudi Arabia nung tang Asian champion Qatar aser Afghanistan tsüngta asayaba nung katia goal magütsüteti tembanga liasü.

Qatar ya FIFA World Cup qualifiers indang Round 3 atema qualify süogo.

Dammam nung kasa anogo United Arab Emirates aser Nepal tsüngta sayaba mapang UAE-i goal 4-0 agi akok.

Saudi Arabia nungi minute 26 buba aser 41 buba nung Feras Al Buraikan-i goal kaka agütsü aser minute 59 buba nung Musab Al Juwayr-i goal ka agüja Pakistan madak ayong-ayonga 3-0 agi akok.

South Korea ya Asia Group C nung tematiba jenjang nung lir. Parnok ya Seoul nung June 11 nü China den asayatsü, shirnok qualifying place tanabuba angütsü atema point ka nüngdaka lir.

Jakarta nung Indonesia ya qualify sür aliba Iraq-i 2-0 agi akok.

Vietnam-i Philippines madak 3-2 agi akokba sülen point ka agi Indonesia dang tajemba nung lir.

Qualify sür aliba Japan-i Yangon nung Myanmar madak 5-0 agi takok ngua liasü.

BENDANGLI OSANG : Tapak 7 nungi...

PM Netanyahu-i July 24 nü US Congress...

"Saka America aser Israel tesendaktep ya kanga tajung asünung nia ato kilonser mesüra nisung kati jembitsü ayongzükba nung ni dena lir," ta pai ashi.

Democrat nungi US Tir Joe Biden-a Israel rara nung tali kumdanga kumogo, kechiaser rara manener aser Gaza nung nisung tali asür.

November ita US tir election nung maneni tokteptsü alisang Biden dang par party nungia Israel dang Gaza nung azüdokshi ajemtsü asoshi tali inyakang ta ajungshir.

Vermont nungi Sen Bernie Sanders ama progressive lenir kari Gaza Strip nung Israel inyakyim anema Netanyahu-i US Congress nung jembidak shilem magütsü tebilemba lir ta shiogo.

Hamas-i aniba telungpur telok temi October 7 nü Israel south tsütsü amakdang nisung 1,200 shi tepset aser nisung 251 pua bener ao.

Iba sülen Gaza nung ita ti jungnüa rara arudang nisung 36,470 tepsetogo, ta Hamas meyong health ministry ajanga ashir.

Gaza nung raraba hopta trok anena ceasefire ka atema tenangzüktepa agütsü asoshi Biden indang

administration-i merangba pai tawa yimjak nung ashi.

Taoba hopta tiri sangdongba shilem asem aliba sentong nung humanitarian aid timba akumtsü aser teti atema rara matemdang pua alir kar Palestine nunger tepuokdak yua alirtem den melemtptsü.

Ajisüaka iba sentong nung Israel sorkar nung züngsem kari ola tashi agi adoka anema nokdaker, anungji iba tenangzüktepa agütsü tamang makateter.

Netanyahu'er Likud Party nungi Knesset nung züngsem Hanoch Milwidsky-i Deobarnü osangbener den jembidang, iba deal anema nokdakba nung Israel nung tang yimsü süa aliba coalition lungjemer lir, ta ashi.

Netanyahu-i tatemsa US Congress nung jembiba ya 2015 küm liasü aser iba mapang chamber anaprong Republicans temi amokbanger liasü.

Iba maongka amshia pai iba mapang US tir inyaka alisang Barack Obama aitsü, shibai Tehran indang nuclear sentong tembangdaksütsü asoshi US tembar linük aser Iran den tezüngzüktepa agütsü meranga liasü.

Indonesia Open: Lakshay Sen tsükba sülen India nunger kata mali



Jakarta, Aami/June 07 (Agencies): Indonesia Open Super 1000 badminton asayamung nungi Hokulbarnü tebur kija quarterfinals nungi Lakshay Sen tsükba sülen iba asayamung nung India nunger asayar kata mali kumogo.

World No. 14 Sen-i Denmark nungi World No. 5 Anders Antonsen den ghonda ka ser minute ka kanga meranga asaya, saka 22-24, 18-21 agi tsüka liasü.

Antonsen aser Lakshay Sen tsüngta ponguben asayaba nung 3-2 agi Denmark nungbai timba koka lir.

Sen aser Antonsen tsüngta iba asaya mezüng game ya arr atsüteper ama liasü, saka minute 32 asayar Denmark nungbai akok.

Tetenzük nungi tatem tashi

tena kasasa asaya liasü, saka tatem nung Antonsen-i akok.

Asaya tenzükdang Antonsen ya 4-0 agi timba liasü, saka Lakshay temulungtetba tulu nung asaya 5-5 akum aser iba sülen ano 15-11 akum.

Ajisüaka Denmark nungbai ajem-ajema melie kanga meranga asayar 16-16 ajung.

22 points tashi asayar anaprongi kanga meranga asayateper tatem nung India nungbai tamakok ajurua liasü.

Tanabuba game nunga Sen aser Antonsen tsüngta maneni atsütepa liasü aser points 18 tashi tenaprongi meranga asayar Antonsen nem takok agüja liasü.

Semifinals nung Antonsen ya Thailand nunger seed ti buba nung alisang Kunlavut Vitidsarn den asayatsü.

BILEMDANGANG
"Lenir tajung kati lenir tajung aniteter."